

راحة حنين

شعر

زینب عبد الوهاب



بطاقة الكتاب

واحة حنين زينب عبدالوهاب شعر

رقم الإيداع : ١٦٩٤٥ / ٢٠٢٠

التوقيع الدولي

٩٧٨ - ٩٧٧ - ٩٠ - ٧٧٧٦

الطبعة الثانية

عدد الصفحات : ٨٨

تاريخ الإصدار : نوفمبر ٢٠٢٠

الإخراج الفني والعراصة اللغوية

دار وادي عبقر للطباعة والنشر

رئيس مجلس الإدارة

جابر الزهيرى

جميع حقوق الطبع والنشر

محفوظة للمؤلف ، ولا يحق لأى دار

نشر طبع ونشر وتوزيع الكتاب إلا

بموافقة كتابية من الكاتب والناسر



دار وادي عبقر

لنطباعة والنشر والتوزيع

بيت الإبداع .. وموطن العباقرة



wadiabkr.wixsite.com/wadiabkr



wadiabkar@gmail.com



www.facebook/ wadiabkar



www.youtube.com/ wadiabkr /



٠١٥٥٥٥١٧٤٢٦

ت : ٠١١٤١٧٢٨٦٢٥

ت : ٠١٢٢١٤٨١٨٥٦

ت : ٠٨٦٢١٦٤٤٢٨





إهداء

إلى أرواح من سكنوا الوريد

وكتبت في حبهم القصيد

عنوانهم الدفاء

فأنبت الحب في كل المواسم

إلى روح أبي وأمي

اللهم اجعلهما من سكان الفردوس الأعلى في الجنة

اللهم آمين

زينب عبد الوهاب



بحق نور الكتاب

بحق نور الكتاب.. آية ورا آية
قلبي لحبك رفع.. اسمك على راية
من شوقي صهد الحنين جوايا.. برأيا
عشقاك وحبك طرح علي الخدود.. وردي
معاك وطيفك بقي كل أما اروح.. وردي
كلام عيونك رسايل عيوني لك.. وردي
قدامي انت ورامية الدنيا دي ورايا



باسمك نبينا

باسمك نبينا يسطر القلب ألف كتاب
وأحب حبك شفيعي بحق دين وكتاب
يا اللي ف مقامك ووصفك يعجز الكتاب
يتحرم العشق لكن فيك حللته
مربوط بك القلب ما في يوم حللته
وحللت دبحي إذا ما الذكر حللته
دا الحسن فيك اتوصف زي ما قال الكتاب
صلي الله عليه وسلم



الخولاني البنات

سندي وضهري ف كل حياتي
سرّي وحضني وريحة أمي
ليهم أخت وهما بناتي
ف قلوبهم ويبجروا ف دمي



ومنين بس كلام يوفيههم
أو يوصف جوايا إيه ليهم
اللي أنا عايشة معاهم بيهم
من غيرهم يوم بيشيل همي



مسحة دمعي وبلة رقي
رقة قلبي وفرحة رحي
مسكة أيدي إن ضل طريقي
واللي بيتوجّعوا لجروحي



ضحكة عمري وفرحة كوني
لما تشوفهم سعدة عيوني
وادعي لربنا ما يفارقوني
وارقيهم وأصلي وأسمي



أخويا

يا نبع حنان بيرويني

يا جنة حب تطويني

يا بر أمان بيحميني

يا اخويا يا ضيا عيني



يا قلب ف عطفه زي الأب

بروحي بحبه قبل الحب

ويسندني أخطي الصعب

ف ساعات الضعف يقويني



في صوته حنان مطمئي
أخويا وأبويا وأكمئي
بحس ف روحه شيء مني
واسمه الفرحة لسنيني



حنان أمي بشوفه معاه
وعز أبويا ده خلاه
هرم بمحبته علاه
بحب كبير ملا عيني



جبل ف الصبر ومحليك
دعيت رب الكريم يرضيك
لقيته بكرمه قبلي حاميك
وقبل دعاي ملينني

قلبي ينبضه ملك ايدك

ولو بالروح أنا أفديك

وبعد أمي وابويا ألاقك

دفا حضنك يواسيني



الرحل يا زمانى

يا زمان

مش قادرة أصدق

الضربة ف وقتها

هديت الروح بجراحك

ودموع حلم انتهى

أحزاني

بقت ف دمي

والفرحة كسرتها

كان سيف ف القلب

غدرك

وحياتي سرقته

كدبة وصدقت روحي

وبروحك خنتها

وسنين

عاش ف وهمك

وبموت ف المنتهي



السَّيَافِي

غطي مغيب الشمس يا زماني تغريبي
مشتاق لحبيب ساكن بديار تغريبي
نظرة عيونه جنة بنعيمها تغري بي
وامتى حبيبي القاه والوقت يساعدا
زما قاسي بطباعه كسر سواعدا
الفرح لحظة والحزن ساعة ادني
عشقي لعيونه قدر كل وقت تغريبي



أُغْلى غالى

فوق جبين النجم خدني

حلم حضن عينيه

ليالي

سبت روعي تروح لروحه

اللي غير حبه

حالي

شفت عينه ليّا نادهة

بشوق ماليها

قال تعالى

شفت قد الدنيا لهفة

وبحنان الكون

نادالي

رد قلبي تعالى نحلم

فوق جزيرة بقصر

عالي

بعشق الحلم ف عيونك

لما بالأشواق

تلالي

يا اللي عينك أحلي جنة

شفت فيهم لون

جمالي

لسه دايبة ف همس قلبك

بس محتارة

ف سوالي

ليه ف بعدك ببقى تايهة

والحنين فوق

احتمالي

يا اللي سكنتك ف بالي

مستحيل يكذب

خيالي

لو تشوف اللي جرافي

تعرف انك

أغلى غالي

★★★

ألبوم طوليع

مصر الحياة أم الحضارة والآثار
أم الخضار أم السواقي والعمار
النيل يغني للنخيل على أرضها
وعلى الفلايك والنايات رقص الشبار



مصر الجميلة أم الآثار المبهرة
أم المآذن والليالي الساهرة
أم التاريخ قبل التاريخ بزمان
وآثارها تنطق بالجمال يا قاهرة



جوه المتاحف والكنائس والجوامع

شوف نور بلدنا والابتسامة

فى الشوارع

تسحر الضيف اللي زايير أرضنا

زي صورة جوه ألبوم الطوابع



أُمِّي عَائِشَةُ

كل عام وأُمِّي عَائِشَةُ ف رُوحِي مَقْعَدُهَا
فُضَا الْحَيَاةِ بَعْدَهَا مِينَ يَمَلَا مَقْعَدُهَا
عِيُونِي مَا تَنَامُ دُمُوعُهَا حَنِينُ مَقْعَدُهَا
سَهْرَانَةُ زِي الدِّيَابَةِ ف لَيْلِي سِرْحَانَةُ
كَأَنَّ هِيَ النُّجُومُ ف سَمَايَا سِرْحَانَةِ
وَالذِّكْرِي دَمُ ف وَرِيدِي فَيَا سِرْحَانَةَ
وَمِينَ يَلُومُ طَوَّلَ بَكَيَا وَعَيْنِي مَقْعَدُهَا



أُمِّي الَّتِي كَانَ الْخَيْرُ ف صَحُونُهَا وَجَرَارُهَا
فِي الْفَرَحِ أَوْ فِي الشَّدَايِدِ يَفُوحُ بِالْفَلِّ دَوَارُهَا
نَجْمَةٌ وَسَاكِنَةُ الْفُضَا مَا عَرَفْنَا أَسْرَارُهَا

أمي التي كانت حُضن ضم وراح
خدت معاها الحب والأفراح
ضاق البراح والعمر ويل وجراح
والحرقة من يوم ما راحت ما انطففت نارها



أنا أصدق

أنا الفلاحة من طينك
ولحم كتافي من خيرك
كما النخلة هنا طارحة
أنا الدمعة وأنا الفرحة
وأنا الآهة فـ موأويلك



أنا شروقت وأنا غروبك

وأنا ليالك

أنا جبالك وأنا دروبك

وأنا نيلك

ونسمة فرح شائلة أمان فتح بابك

وكلمة حب عمره ما هان لأحبابك

أنا تراك

وأنا ف زمن العجاف سيك



أنا الدم اللي حامي وحامي أراضيك

أنا الدعوة اللي كل أدان بتحميكي

أنا البطن اللي شالت درع أوطانها

أنا الحزن اللي ياخذ تارها ويصونها

أنا اللي بدم قلبي ضنايا يفديكي



أنا الفلاحه كل ما ليكي وعليكي

أنا صبرك وأنا نصرك وأنا أصلك

أنا ليوم القيامة الخير هنا فيكي

بنادي يا مصر ويا ريت النداء وصلك

آه يا بدرى

اللي شفته منك انتي

شفت ويل وعذاب

كثير

شفت ليل إسود ضرير

شفت أم عينيها وارمة

من البكا

وبتستجير

شفت أب وإيده عاجزة

كان بيملك زاد

وفير

سرفت الأيام حريره

مش باقي له

غير حصير

شفت شاب عيونه زايغة

رغم أنه كان

بصير

كان بي فهم كان مفتاح

حد واعي

ومستنير

دلوقتي ليه أصبح كفيف

أعمى والواقع

حقير

ع الرصيف نايم غلابة

برد ليهم

زمهير

ناس بتشرب من كيعانها

جوع وفقر يكفوا دهر

قهر والواقع

مرير

أيقن ان اللص باعها

بعد وصلة زيف خداعها

وصادر النور

والعبير

ليه يا بلدي حلمي ضايع

جوا ليك

واللي منك

عايش أسير

هو ده حالك يا بلدي

فجر مات فيه

الضمير

إلهي رافض يوم يشوفك

وردة نادية في

وسط خير

إيه اللي باقي من جرابك

ألف حاوى والحبال

تجلب بلاوي

دجالينك ليه

كثير

دايرة الأعيب القذارة

من الصغير

للكبير

إيه اللي باقي للغلبة

كل سر وتحتة

بیر

اعذریني

اعذري قلبي ف دموعه

حاسة إني

مش بخير

واني فيكي حد ضايع

أعمي.. مجهول

المصير

★★★

بحر الغرام

بحر الغرام غدار ما بيصفي موجه لي
والبخت عارف صحابه وحظي ما جلي لي
والجرح وعد ومكتوب عليا وكأنه موجه لي
نصبي في حبك حبيبي وراضي أنا قدري
حتى لو من نار بعادك يغلي بالقلب قدري
أبعت مراسيل وشوقي ما يحط يوم قدري
عاش لا ميت ولا حي ولا فجر بيحي لي



بلياتشو

آه بلياتشو وش و وش

علشان اعيش

في زمان الغش

كله بيوعد ولا يوفيش

طبل نافع هز تعيش

مهما نحاول ما بنرضيش

وبقيت كل الناس درویش

واللي عليه يقول معيش



وسط الزحمة ما تعديش

نصب وسرقة وعدل مافيش

واحنّا نموت ع أكل العيش
مهما جرينّا ما بيكفّيش
والأحوال ما بتتعدّلش



تقصد حد يرد منين
ارزقنا يا رزاق يا معين
أحلامنا في طابور وكمين
مين هايحس بقهرنا مين
كبر قصر ما تطولش



شعب مقضيها ترويش
بيدورّ علي كيف وحشيش
منفوف مسفوف ما يكفّيش
والفايق مديها تطنّيش

يا عم فينك يا عم عيش

نحلم ليه واحنا ما بنطولش

اهدى و بطل زن ووش

أنا بلياتشو بوش و وش



بنادي الضحكة

بنادي الضحكة طول عمري

ألاقي الدمعة جيلي

شكيت لليل على جراحي

فرد النيل وأنا مالي

ياخذني وهم أيامي

أداوي الحلم ف آمالي

واغني بفرحة للدنيا

ولو صوت الآنين عالي

وصابرة وراضية بالقسمة

مدام ربي كتبها لي



جبر

حبك بيني وبينك عهد ما يوم خالفته
سهمك صايب خطف بنص القلب خالفته
هو وطن يحميني من كل كرب وان خالفته
أصل حبك عطية جبرت ليا خاطر
واللي يعشق قلبك ينحسب خاطر
والله لولا ملام الناس لأجيك وأخاطر
وابوس أيدين الأب واسأله كيف خلفته



حبك فرحة

حبك فرحة ودمعها فوق الخدود ساري
ولو بعيد قريب ولو عطفك عزيز ساري
ولو الخطاوي تحيد دربك يعجز يميني ويساري
حبي لغيرك بشرع الهوى اشراك
وانا أبيع الروح عشانك وبحبك انا اشراك
وانصب لك عشان الود شباك عشق وشراك
أنا مَرُ أيامي أبدا ما مر علي ساري



حُضْنِي يَا بَا

فَين حُضْنُكَ بَقَى يَا بَا
وَرِيحَةُ الرَّاحَةِ فِ الْجَنَّةِ
فَين خَيْرُكَ وَفَين زَمْنُكَ
وَفَين ضَحْكَةُ قُلُوبِ بَيْنَا



وَفَين هَمْسُكَ وَفَين حَسْكَ
فَين الْحُبِّ وَحَنَانُكَ
فَين فَرَحَةُ عَيْنَيْكَ بِيَا
فَين الضَّلُّ وَأَمَاتُكَ



فراقك يا با طفى عيني

وسابني لمر حرماني

لكن سايب علي جبيني

علامة حق قواني



علامك يا با نجاني

وقوى القلب ع الدنيا

واسمك بس ف لساني

يوديني لحياة تانية



ورايحة الروح وراك يا با

يا ريت كان ايدي

على كتفك

سايبني ف دنيا كدابة

يا ريت الموت ما كان

عرفك



يا رب اشتقت للغالي

يا رب الفرقة قتلاني

يا رب بروحي وبحالي

دي كلمة يابا وحشائي



حلم محال

وآه يا قلبي على انكسر

أحلام كثيرة في

سنين طوال



والصبر راحل من فوق

كتافي والعزم خاني

والحمل مال



أنا شيلت شيلة ما كنتش ليا

وفضلت اعافر

بين الرمال

عشت الحياة بنية صافية

وصلبت طولي

زي الجبال

★★★

اوصيك يا قلبي عيش التحدي

للماضي وانسى

كل الخيال

★★★

ما بقاش فاضل لك غير دمع وافر

وجرح سافر يقتل بشوق

نبض الآمال

★★★

انسى اللي فاتك وابدأ حياتك

دا الحلم حتى أصبح

محال



بين قصتي أشجان وذكرى

أفراح مهاجرة والقلب

عاش ع الاحتمال



ما خلاص يا قلبي

مال اللي

مال



خطي يا قلبي

خطي يا قلبي على درب الهوى خطي
وعلى سطور قلبه ورد وأمل خطي
يا رب ما يتوه ابدأ عني التي عرف خطي
ويحرم عليا بعده الهوى والحب
من غيره العمر صحرا لا شجر ولا حب
وما يداوى جرح الغرام لا طبيب ولا حب
وعد حبيبي خط البعاد ما يكون ف يوم خطي



خلاص يا بلدي

من النهاردة خلاص يا بلدي

ما بقتش قادرة

ع الهروب

بقي كل حاجة حلوة فيكي

يكون مصيرها

للغروب

أنا اللي دويني الفساد

وروحى طلعت

من الكروب

أرزاق وتاهت ف الضلال

ما بقاش فيه دايم

غير الحروب
قال يسرقونا ويجروا فينا
زي الخروف
يا جماعة بيتنا بيتخرب
اصبر شوية
على الظروف
بكفاية كذب خلاص تعبنا
دي ناس ما تعرفش
الكسوف
واعلام وقابض من ناس
عتاولة والمستغطي
بقي مكشوف
والشعب سلم قدام معلم
قال إيه بيحكم

بالمعروف
مش قادرة أسكت ولا حتي
اطنش خلاص شبعنا
ضرب الكفوف
شباب وصاحب سيجارة بني
والباقي عايم ف
المسفوف
ما بقاش غلاية كله ديابة
ماشين ف دنيا
ولا المكفوف
ما بقاش ساكنا غير
كل خوف
★★★

دعايا

يا اللى طيبب القلوب بيكم كتب.. وصفه
البدر من حسنكم صعبان عليه.. وصفه
ومين ما بين البشر يقدر علي.. وصفه
دعايا للرحمن يجمعكوا يوم بيا



رأس سنة

كأمر رأس سنة والعرب تحلم تلم الشمل
والقهر كاسي الوطن أرض وسما شمل
والفرقة بتهدنا يتقل علينا الشمل
ندعي لشمل الوطن يتردد له لمة
ويشفي جرح الزمن اللي صعب لمة
ناح الوطن نوح وليد ف المهد ضاع لمة
وعنه عميت عيون حكام يمين والشمل



صلت مصر

من غير ما اكبر من غير ما اعرف

مصر حبيبتي وساكنة ف دمي

مصرية وحرّة وباتشرف

لما باغني لوطني وأمي



صلت مصر الفجر وقالت

انصرنا يا فتاح يا عليم

الدنيا اتحطت واتشالت

وانتصرت من رب كريم



صَلَّاتُ مِصْرَ الضُّهْرِ وَعَبَّرْتُ

وَاللَّهِ أَكْبَرُ قَبْلَ الْعَصْرِ

عَدْتُ هَدَّتْ نَدَّهْتُ سَجَدْتُ

شَكَرْتُ حَمَدْتُ رَبَّ النَّصْرِ



صَلَّاتُ مِصْرَ الْمَغْرِبِ قَعَدْتُ

تَقَرَّأْتُ الْقُرْآنَ وَتَقَرَّيْتُهِ

سَمِعْتُ رَبِّي قُوَّةً شَدِيدَةً

أُمَّةَ خَيْرٍ وَسَلَامٍ يَحْمِيهِ



صَلَّاتُ مِصْرَ الْعِشَاءِ وَاتَّعَشْتُ

وَيَا صَاحِبَةَ وَيَا أَهْلَ

وَإَتَمَشْتُ عِ السَّكَّةَ وَخَشْتُ

نَامْتُ نَوْمَ الْعَادِلِ السَّهْلِ

ضحكتي

ضحكتي مش بس كدبة
بالعيون ما بتختفيش
لا دي دمعة قلب خايفة
إن حنمه ما ينتهيش



كنت وهباك حياتي
بسمتي كانت أهاتي
شكوتي كانت سكاتي
للأسف ما فهمتنيش



عمري ما أنسى قسوتك

رغم حضي لشكوتك

السعادة ف ضحكك

حلم شفته ما يتنسيش



لسه فاكرة كل لحظة

بفتكرلك كل همسة

كنت عايشة بحالي راضية

وانت وهم ما حبنيش



مهما يحصل عمري ما ابكي

هافضل اضحك اللعب اجري

دا اللي فات من فرح عمري

فيه أماني ما تتحكيش

مهـما طالت وحدثي
مهـما زادت شكوتي
هافضل أحضن دنيتي
أصلي عاشقة للأمل
بالألم لازم أعيش



عبر سحر

وف يوم ميلادك هو انا عيد على عيد

لساني يدعي وقلبي بعده يعيد

يا رب عمره ما يبقى عني بعيد

إيه يا ابن قلبي يا نهر نور جاري

عليه الشوق إليك جاري

دوايا تفضللي طول العمر هنا جاري

دا عيدي قربك

عيد مالوش مواعيد



فلاحه

تحصد وتلم في محصولها
فرحانة بجدرها وأصولها
والكل يياكل من أيدها
والقطن يفرح عل نولها



بتعلم في عيالها الحكمة
يكبروا رجالة لهم همة
يشتغلوا وياكلوا بدراعتهم
تبقى بلادهم فوق القمة



مستقبل أولادهم فيها

كرامتهم عزتهم بيها

لحم كتافهم ده من خيرها

تبقى حياتهم منها وليها



يا حلاوة السمرا الفلاحة

لما بتقعد ع الطراحة

الخير ف ايديها وحواليها

والراحة ف روحها الفواحة



فلاحة وملكة بتتمخطر

وبمسك وعنبر تتعطر

بتنور شمسها ف غيطانها

وبتبني وتحمي وبتعمر

لما بلدها ندهت لبث
قامت هبت لها واتحدت
حاجت على بيتها وعلى غيظها
لما رياح الشر دي عدت
تسلم لبلدها الفلاحة



كبرنا له

من واحنا صغيرين
كان كل أمالنا نكبر
نسرّح بين الأماني
لما الأحلام بتكثر
ما حسبناش السنين



حلمنا من نور قلوبنا
نرسمه ينور دروبنا
قصة يحكيها الحنين



نعشّق وندوب غرام

ونخاف من ليل خصام

لا يطول بينا الأئين



الحلم اتخلّى عنا

وكبرنا وغضب عنا

نسينا إحنا مين



لا لقينا جنة خضرة

ولا قلب أحمر ووردة

علي شجرة مرسومين



ليالي القسوة

ومين ف الدنيا دي يسلم

من الحيرة

وم القسوة



نلم الجرح ونعافر

ما بين الدمع

والشكوى



بتحني الضهر أحلامنا

جبال وتهدها

حصوة

ف سكة خوفنا تخطفنا

نجر الخطوة

بالخطوة

★★★

وعمر الدنيا ما بتصفى

ما فيش غير ذل

وبحسرة

★★★

أماي الفرحة ترمينا

على التوهة

وع الكسرة

★★★

ونار الغدر تطوينا

وتهلك قلبنا

العصرة



خداع الروح مافيش آخره

غير التغريبة

والقهرة



تقطع قلبنا الغنوة

تنسل لحمنا

الذكرى



نعيش نستنى يوم موتنا

أملنا ف ربنا

لبكرة

ليل الفراق

وادي أخرة ليل فراقنا

يا اللي ضاع بإيديك زماني

قلبي كان ديماً يقولني

إن قلبك مش عشاني



جرح روحك كان شوية

م اللي غدرك عمله فيا

لما جيت لك جيت عيا

يوم ما هان حبي وحناني



بالعن الشوق والأمانى

بالعن الوهم الأمانى

بالعن الحلم اللي خلى

حد غيري يكون مكاني



هات شباب قلبي اللي خاطفه

زهر عمري اللي انت قاطفه

عشق عمرك يوم ما شايفه

اللي ليك خدني ورماني



هي أصلا غلطة مني

وانتهت وبعدت عني

بس تستاهل أغني

عن هوايا وعن هواني

مش بظلمك

ولا يوم

حاولت إني أألمك

ولا يوم أفكر أجرحك

لكن هاحاول افهمك



مش هقولك كان زمان

الحب باين

من عنيك

مش هاقطب في اللي عدي

واللي راح

مني وعليك

إيه اقولك على كان

وانت ضيعته بإيديك



قصتك

مش هاحكي فيها

أو أعيد في سنين

ماضيها

قصتي الناس بيقولها

والسنين

بتغني فيها

بالدموع يبكي القمر

ع اللي بيك

حلمه انكسر

ع اللي شرب الحب كاس

غدر قلبك

كان ماليه

أيوه لازم كنت تعرف

إني مش عايشة عشائك

إني مش عاشقة

جراحك

أيوه هابعد عن مكانك

ليلي أهون من

صباحك

عشت طول عمري

معاك

بنتظر كلمة

تراضيني

كل حلمي كل أملي

إن صوتك

تملا عيني

إن صوتك يملا كوني

لما قلبك ده

يناديني



عشت طول عمري بحبك

عشت طول عمرك

هو ايا

كنت أمالك كنت حلمك

عشت بيك أجمل

حكاية

دانت الدنيا لإيدينا

عاشت الفرحة في

عنينا

كانت الناس لما تحلف

بالهوى تشاور

علينا

كان وكنا والنهارة

قلت غنوتك

الحزينة

★★★

عايزة أسأل

روحك انت

يا اللي كنت في عمري

روحي

ليه يا قلبي بعد فرحي

لحظة حايت لك

جروحي



فين أماني زماني اللي

كنا راسمينها

لهوانا

مين غواك

مين خلي قلبك

يقتل الفرحة

في سمانا



مين وفين

وازاى وليه

بس إيه الفائدة

إيه

إيه يفيد القلب لما

يموت وتبكي

قلوب عليه

عمره ما يفيد البكا

عمره ما يجيب

اللي راح

عمره ما يفيد البكا

عمره ما يشفي

الجراح

★★★

يا اللي كان

ليك البطولة

باقتدار

قلبي خنته وسبت روعي

للدمار

اللي عايزاك تعرفه

إنك انت كنت دايمًا

في اختبار

اوعى لحظة تعيش

في لحظة

الانتصار

★★★

مصر في عيوننا

صَبَّحَ يا فَجْر ع المآذِن
ع الشطوط ارقص يا نيل
دي سواقِي دايرة بالأمل
تروي الغيطان تشفي العليل
وأثار بتحكي للزمن
قصة هلاك مليون دخیل



يا كنيسة دقي وقول يا جامع
ف المحافل والمجامع
الندا واحد وجامع
والميدان هو الدليل

جيشها اللي سابق الأمم

منصور ورافع الهمم

هو اللي علم التاريخ

معني الشرف رد الجميل



مصر اللي صانت حصنها

وإيمانها صائب ضهرها

مرفوعة رأسها وعمرها

ما ف يوم تميل



مصر اللي تنطقها بسعادة

أصل نصر سلام ريادة

حب خير بركات عبادة

يحكوا أمجادك يا نيل

ما فيسى يوسف

أنا منك ومن صلبك
وشارب قلبي من غلبك
أنا العايش على حلمك
في ليل الغدر والبهتان



يا بلدي مين هينجدنا
بتحذف بينا خطوتنا
ونفس الإيد تسكتنا
نتوه من رحمة الأحزان



أنا العايش بلا بكرة
وبامبارح أنا الشقيان
أنا الراضى أكون ذكرى
في وسط التوهة بالجبران
أنا التايه في ويل ليك
وليه الفجر مش بيبان



أنا المقتول على أرضي
بسيف الرهبة والسلطان
مافيش يوسف ف ليل جوعك
يمد الحضن للبردان
مافيش موسي علي نيلك
يهد الكفر والطغيان



ومهما الليل هيطويكي
هتيجي الشمس بالبرهان
ويروي النور أراضيك
وترجع ضحكة الأوطان
علي ترابك يعيش بكرة
ربيع فرح وحنان وأمان
وتاني يعلم الدنيا
معاني العلم والإيمان



ماليش مكان

ماليش مكان في دنيته

ماليش نصيب في فرحتك

ماليش مكان انسى اللي كان

هابعد بعيد عن سكتك



هابعد عن الشمس اللي كانت

كل يوم تشرق هنا

هابعد لأن الشمس خانت

وبنارها حرقت حلمنا



هابعد عن اللحن الحزين

اللي شجاني معاه سنين

ولما حببت اشتريه

باعني ورماني للأنين



دموع عيوني كرهت خدودي

وخلص لساني كره الآهات

ملت سنيني أحزان حياتي

وجراحي ف العمر اللي فات



آه م العذاب آه من زماني

بكاني ونسيت ضحكك

انسى حنيني وانسى حناني

هانهي الجراح من قصتك

هولاء فطرة

حبيبي بهواك وحس قلبي الهوى فطرة
وصام فؤادي علي حبك عايز بس فطرة
عشقتك قبل الشوف والنظر علي الفطرة
ودم الوفا بيجري سرحان في شرايني



يا النور والهنا

يا شهر الهبة روعي متأهبة
بتقول مرحبا ببيك يا رمضان



يا النور والهنا لقلوب مؤمنة
رحمة ربنا أشكال وألوان



بنصحي الليل ذكر وترتيل
وقلوبنا تميل تحضن قرآن



تسبيح وذكاة وقيام وصلاة
أفضال الله مع كل أدان



لم الأحباب أهل وأصحاب
وفتح أبواب لحنان وأمان



تصفى له قلوب تمشي له دروب
توفي له عهود بر وإحسان



ويا ليلة القدر يا أعظم أجر
وأجمل فجر من المنان



ويا رب الصوم نصبح ونقوم
برضاك ع الكوثر والريان



السمك وطن

علي اسمك شفت الوطن مرسوم.....ياسر
والصبح لونه بمراية خدودك.....ياسر
أبات سهران أعدلك نجوم...بال سر
حبيبي قلبي ساب شمل الأهل.. وساع
ولغير عيونك ابدأ عمره ما حن.. وساع
تعالني شوف قلبي خازن آهات. وساع
أدور عليك واتاريك وشم مرسوم بال ياسر





الفهرس

٢	بطاقة الكتاب
٤	إهداء
٥	بحق نور الكتاب
٦	باسمك نبينا
٧	اخواتي البنات
٩	أخويا
١٢	ارحل يا زماني
١٤	اشتياقي
١٥	أغلي غالي
١٨	ألبوم طوابع
٢٠	أمي عايشة
٢٢	أنا أصلك
٢٤	آه يا بلدي
٢٩	بحر الغرام

٣٠	بلياتشو
٣٣	بنادي الضحكة
٣٤	حبك عهد
٣٥	حبك فرحة
٣٦	حضنك يابا
٣٩	حلم محال
٤٢	خطي يا قلبي
٤٣	خلاص يا بلدي
٤٦	دعايا
٤٧	راس سنة
٤٨	صلت مصر
٥٠	ضحكتي
٥٣	عيد سعيد
٥٤	فلاحة
٥٧	كبرنا ليه
٥٩	ليالي القسوة
٦٢	ليل الفراق

٦٤	 مش بظلمك
٧٢	 مصر في عيوننا
٧٤	 مافيش يوسف
٧٧	 مالفيش مكان
٧٩	 هواءك فطرة
٨٠	 يا النور والهنا
٨٢	 اسمك وطن
٨٥	 الفهرس